

အာဝိက္ခမိက္ခါ

AWIG-AWIG

ရွှေကေပာရွာရွာရွာရွာရွာရွာ

DESA PAKRAMAN SANGAMBU



ရွှေကေပာရွာရွာရွာရွာရွာရွာ

DESA MADENAN

ရွှေကေပာရွာရွာရွာရွာရွာရွာ

KECAMATAN TEJAKULA

ရွှေကေပာရွာရွာရွာရွာရွာရွာ

KABUPATEN BULELENG

PIDAGING MAKA BANTANG
AWIG-AWIG DESA PAKRAMAN SANGAMBU

MURDHA-CITTA	
PRATHAMAS SARGAH	AÑAN LAN WAWIDANGAN DESA
DWITYAS SARGAH	PATITIS LAN PAMIKUKUH
TRITIYAS SARGAH	SUKERTHA TATA PAKRAMAN
	Palet 1 Indik Krama.....
	Palet 2 Indik Prajuru/Dulun Desa.....
	Palet 3 Indik Kulkul
	Palet 4 Indik Paruman
	Palet 5 Indik Druwen Desa.....
	Palet 6 Indik Panyanggran Banjar
CATURTHAS SARGAH	SUKERTHA TATA AGAMA
	Palet 1 Indik Dewa Yadnya.....
	Palet 2 Indik Rsi Yadnya.....
	Palet 3 Indik Pitra Yadnya.....
	Palet 4 Indik Manusa Yadnya
	Palet 5 Indik Bhuta Yadnya
PANCAMAS SARGAH	SUKERTHA TATA PAWONGAN.....
	Palet 1 Indik Pawiwahan
	Palet 2 Indik Nyapian
	Palet 3 Indik Sentana.....
	Palet 4 Indik Warisan
SASTHAS SARGAH	SUKERTHA TATA PALEMAHAN.....
	Palet 1 Bhaya.....
	Palet 2 Karang lan Tegal/Carik
	Palet 3 Papayonan
	Palet 4 Wawalungan.....

	Palet 5 Wawangunan
SAPTAMAS SARGAH	WICARA LAN PAMINDANDA
	Palet 1 Indik Wicara
	Palet 2 Indik Pamidanda.....
ASTAMAS SARGAH	NGUWAH-NGUWUHIN AWIG-AWIG..
NAWAMAS SARGAH	SAMAPTA

MURDHA-CITTA

Om Awighnam Astu Nama Siddham

Malarapan saking panghyaning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta Desane wantah mapawakan pasayuban Krama Desa rawuhing kula warga pawongannya. Desane kasinanggehang Bhuwana Agung, pawongannya soang-soang pinaka Bhuwana Alit.

Sotaning Bhuwana Agung, Desane wantah mapawakan Bhuwana mahurip jangkep saha Tri Hita karanannya luwire :

- ha. Parhyangan, sahananing kahyangan, panyiwian desa genah ngarcana Ida Sang Hyang Parama Wisesa, maka jiwaan desane;
- na. Pawongan, krama saha krama desa maka sami mapawakan Bayu Pramana, mawinan desane sida molah maprawerti.
- ca. Palemahan, tanah kakuwuban desa sinanggeh stulaning desane.

Adung patemon Bhuwana kalih, melarapan santa-Jagadhita, sinanggeh murhdaning prayojana pangeriptaning awig-awig Desa Pakraman ring paseban mami krama desa Pakraman.

Pinaka sepat siku-siku pamatut, wastu prasida parayojana mami kabeh, prasama angidep muwah amagehaken kadi linging awig-awig iki.

**PRATHAMAS SARGAH
ARAN LAN WAWIDANGAN DESA**

Pawos I

- (1) Desa Pakraman puniki mawasta Desa Pakraman Sangambu
- (2) Jebar kakuwub wawidangannya mawates nyatur luwire:
 - ha. Sisih wetan / kangin Desa Pakraman Angan Sari
 - na. Sisih kulon / kauh Tukad Berutu
 - ca. Sisih kidul / kaja Desa Pakraman Pantri
 - ra. Sisih lor / kelod Desa Pakraman Madenan
- (3) Desa Pakraman puniki kawangun saking krama pitu tur kapah dados 9 (siya) dadia luire :
 - ha. Dadia Tangkas
 - na. Dadia Gelgel Kemoning
 - ca. Dadia Kayu Selem
 - ra. Dadia Kayu Selem
 - ka. Dadia Bendesa Mas
 - da. Dadia Bendesa Mas
 - ta. Dadia Padang Subadra
 - sa. Dadia Arya Bali Kuno
 - wa. Dadia Arya Bang Sidemen
- (4) Manut tri lingganing desa, kakuwub wewidangan pinaro tiga luwire :
 - ha. Utama Mandala mekadi tegak-tegak kahyangan desa.
 - na. Madia Mandala mekadi papupulan karang palemahan lan telajakan desa.
 - ca. Nista Mandala mekadi setra.

DWITYAS SARGAH
PATITIS LAN PAMIKUKUH

Pawos 2

Luwir patitis Desa Pakraman Sangambu :

- ha. Mikukuhang miwah ngerajegang Agama Hindu;
- na. Nginggilang tata prawertine magama
- ca. Ngarajegang kasukertan desa saha pawongania sakala lan niskala.

Pawos 3

Desa Pakraman Sangambu ngamanggehang dasar :

- ha. Pancasila
- na. Undang-Undang Dasar 1945 pamekas pasal 18
- ca. Pasuaran guru wisesa sane mamargi
- ra. Tri Hita Karana manut sadacara Agama Hindu.

TRITIYAS SARGAH
SUKERTHA TATA PAKRAMAN

Palet 1

Indik Krama

Pawos 4

- (1) Sane kabawos krama desa, inggih punika kulawarga sane magama Hindu sampun marabian, ngalinggihin karang desa inggihan nenten saha nyungsung Kahyangan Desa.
- (2) Sajaba kadi ring ajeng sinanggeh tamiu, sane kabinayang dados 2 (kalih) inggih punika sane magama Hindu miwah seosan Hindu.

Pawos 5

- (1) Krama Desa Pakraman Sangambu wenten 3 (tigang) pawos luwire :

ha. Krama ngarep, uwed utawi negak inggih punika krama sane nabdabang kawentenan Desa Pakraman sane maakeh 33 (tigang dasa tiga) diri.

- na. Krama semujan inggih punika krama sane ngawantu krama negak (uwed).
- ca. Krama sampingan inggih punika kulawarga sane tan menggeh Desa Pakraman, manawita sangkaning :
 - Salah sinunggil lampus utawi wiwit palas perabian wiadin okane sinamian sampun mawiwaha.
 - Baki, sane makumpi temen, sajawaning wenten paetengan seos.

Pawos 6

- (1) Ngawit dados krama Desa Pakraman manut dudonan :
 - ha. Ngamong karang ayahan desa.
 - na. Majalaran pawiwahan.
 - ca. Sangkaning jenek ngerereh pangupa jiwa tur makta ilikita saking kesahe.
- (2) Panemayan tedun makrama desa :
 - ha. Sangkaning pawiwahan sesampun ngelaksanayang upacara pangrebuan ring desa pakraman.
 - na. Sangkaning jenek ngarereh pangupa jiwa sesampun ngelaksanayang upacara pangrebuan tur naur pananjung batu manut pararem.

Pawos 7

- (1) Swadarmaning krama desa sewosan ayah luwire :
 - ha. Dreda atuang ring desa / banjar.
 - na. Anut satinut ring daging awig-awig, pasuara lan pararem desa.
 - ca. Tan maren ngutsahayang mangda desane mresidayang nyujur manut patitis.
- (2) Swadarmaning Desa sampingan.
 - ha. Tinut seturut ring tatiwak desane ngupadi sukerta.
 - na. Tan wenten tungkas ring sapamargin kertin desane.

- (3) Krama ngarep miwah panakawan sane tan mresidayang ngelaksanayang swadarmanyane, dados kaayahang olih kulawarga kapurusa sane jenek ring desa.
- (4) Krama Desa sane tan mresidayang ngelaksanayang swadarmannyane, ritatkala ngawangun patut ngampel.
- (5) Patut mapiorah ring prajuru/dulun desa prade :
 - ha. Nampi tamiu lanang lan istri jantos marerepan.
 - na. Kalayu sekaran / seda
 - ca. Ngawarangang.
 - ra. Ngembasang oka
 - ka. Ngawangun

Pawos 8

- (1) Sahanan krama desa sami keni tategenan (ayahan, paturunan, papeson)
- (2) Krama Desa pakraman keni ayahan lan papeson mamungkul madudonan kadi ring sor :
 - ha. Krama ngarep kalih diri, inggih punika krama sane ngamong uduh uduhan upacara
 - na. Sekaa ebat kalih dasa diri, sane ngekanang ebat mwah nyarengin bahan.
 - ca. Sekaa cacar kutus diri, ngardi pelakaran aci (aturan)
 - ra. Krama penabing kalih diri, nyanggra pakaryan pengalu, sedereng kemanggehang dados pengulu.
 - ka. Krama pengulu enem diri, inggih punika krama sane ngamong uduh uduhan upacara agama.
- (3) Krama semujan, keni ayah lan papeson manut pararem
- (4) Deha lan teruna, keni ayah manut pararem / wiguna.

Pawos 9

Kapatutan krama tamiu :

- (1) Krama tamiu patut madana punia ring desa/Banjar manut pararem.
- (2) Krama tamiu patut polih patias marupa pitulung ring sajroning katiben kapanca bhaya.

Pawos 10

Krama desa kadadosang

- (1) Mapuankid utawi tan tedun minakadi :
 - ha. Sungkan
 - na. Melelungaan doh manut piorah ring Kelihan Desa
 - ca. Ngewentenang upacara
 - ra. Mekarya wewangunan
 - ka. Kengin polih tempo wantah apisan sajabaning wenten kabebasaning saking prajuru / dulun desa.
- (2) Nyada mapiteges ngemademang ayah majeng ring krama marep, miwah sasampun mayusa 65 (nem dasa lima) warsa marep ring krama semujan.
- (3) Mirak / ngampel mapiteges nutug ayah antuk arta / jinah manut pararem duaning magenah ring dura desa.

Pawos 11

- (1) Wusan dados krama desa luwire :
 - ha. Sangkaning pinunas ngeraga
 - na. Wusan Meagama Hindu
 - ca. Kanorayang (kausanan) duaning sampun tan prasida ngesenin solah apan maprawerti setata nguwig kecaping daging awig-awig.
- (2) Sang wusan makrama desa patut :

- ha. Prade riwekas kaluwarga sane wusan, matulak malih ngeramanin prade sangkaning rahayu, patut naur panumbas lungguh lan denda manut pararem.
- na. Ngulihang karang ayahan.
- ca. Tan polih pah pahan saking desa.

Pawos 12

Patias utawi piilih-olihan krama desa :

- (1) Patut polih pasayuban saking desa sepatutnia
- (2) Polih pamatut yan prade wenten wicara olih kelihan desa.
- (3) Dados paulun desa manut lilitan.
- (4) Ngamiletin paruman saha wenang mastikayang pamutus.

Palet 2

Indik Prajuru Lan Dulun Desa

Pawos 13

- (1) Desa Pakraman Sangambu kaenter antuk pah-pahan pamargi sakala lan niskala, luire :
 - ha. Ring sakala kaenter olih kelihan desa pakraman sane kawantu olih :
 - Panyarikan pinaka juru nyurat / tulis.
 - Patengen pinaka pangraksa druwen desa
 - Kasinoman pinaka pawantu umum / juru arah.
 - na. Ring niskala kaenter olih kubayan saha kawantu olih :
 - Bau wayah kiwa miwah tengen
 - Bau muda kiwa miwah tengen
 - Panakehan kiwa miwah tengen
 - Penabing kiwa miwah tengen
- (2) Sajroning ngenterang kasukertan niskala prajuru / dulun desa misinggihang pamangku kahyangan desa.

- (3) Prajuru ngadegang panglingsir desa sinanggeh kerta desa sane mawiwit prajuru lepas, sang wikan ring adat, agama adiri sinanggeh panglingsir kasarengin surat saking penyarikan desa.
- (4) Prajuru taler ngadegang pacalang maka panganter katreptian desa pakraman.

Pawos 14

Tata cara ngadegang soang-soang paulun desa lan kelihan desa :

- (1) Paulun desa patut melarapan kulawarga Desa Pakraman (tulus apad/ tulus apuh)
- (2) Pamangku taler malarapan Desa Pakraman (kajudi antuk desa)
- (3) Kelihan Desa muah pengabih nyane kajudi manut pararem selami 5 (limang) warsa, tur dados kajudi malih.
- (4) Sang kajudi dados prajuru desa, patut madewa saksi ring Pura Bale Agung malarapan upacara manut dresta.

Pawos 15

Swadarmaning Paulun Desa muah prajuru luwire :

- (1) Paulun Desa mwah pamangku nitenin mangda Desane prasida manut petitis, pamekas niskalannyane.
- (2) Prajuru Desa :
 - ha. Ngenterang sadaging awig-awig, pasuara lan pararem;
 - na. Ngenterang krama ngupadi patitis sekala.
 - ca. Mawosin kalih niwakang pamutus majeng ring krama desa.
 - ra. Makaduta (utusan) desa matemuang bawos marep ring krama desa.
- (3) Prade pangemong desa tan manut swadarma utawi nilar sesana keni pamidanda ring kaiwangan krama manut dudonan.

Pawos 16

Patias ngawewenang Desa luwire :

- (1) Laluputan ayah
- (2) Kawas nikel mantuka ring kalihan desa mwah pangabihnyane.

Pawos 17

Ngentosin utawi ngusanang paulun desa lan prajuru desa :

- (1) Setata melarapan perarem ring desa.
- (2) Para paulun desa sangkaning :
 - ha. Kalayuan utawi lampus
 - na. Sampun okane sami merabian, lsp
 - ca. Kausanang antuk desa.
- (3) Pamangku sangkaning :
 - ha. Nilar sesana
 - na. Kausanang antuk desa
- (4) Prajuru sangkaning
 - ha. Sampun panemaya
 - na. Pinunas ngaraga
 - ca. Kanorayang manawi (ulihan) ngewetuang biuta lsp.

Palet 3

Indik Paruman / Sangkepan

Pawos 18

- (1) Paruman desa kawentenang napkala gata makajalaran arah-arah utawi sewala patra manut tatujon :
- (2) Sangkepan ring desa luwire :
 - ha. Sangkepan desa, kawentenang nyabran ngasasih rikala anggara kliwon (anggar kasih).

- na. Sangkepan nyabran purnama/tilem kamiletin antuk paulun desa / pemangku lan krama ngarep.
 - ca. Sangkepan Buda Wage kamiletin antuk sekeha teruna-teruni.
 - ra. Sangkepan tumpek / sedina – dina tumpek kamiletin antuk sekaa gong.
- (2) Sahanan sangkepan patut :
- ha. Maduluran suaran kulkul.
 - na. Mabusana manut sima / dresta kapura bale agung;
 - ca. Mecane (banten) piuning banten pangrawos katur madurung ngawitin sangkepan.
 - ra. Linggihe manut genah.
 - ka. Ngemargiang penyacak dadosan sane sampun mamargi.
 - da. Pamargin sangkepan malarapan antuk gilik saguluk, prade tan prasida suarane makehan sinanggeh pamutus.
 - ta. Katuntun antuk paulun desa muah prajuru
 - da. Ngemargiang penyacak budal sangkepan.

Pawos 19

- (1) Sajeroning paruman desa, kelihan desa patut nyiarang sapemargin ngenterang desa, pamekas ngenenin indik :
- ha. Munjuk lungsur pakraman, ayah-ayah, sulur arta brana druwen desa, lsp;
 - na. Rencana paulun desa ngenenin usaha desane kapungkur.
 - ca. Sahanan wicara saha pamutus.

Pawos 20

- (1) Sajeroning sangkepan sekaa dehe teruna tan dados maguyonan prade mamurug keni pamidanda manut pararem.

- (2) Daging sangkepan sekaa dehe, teruna patut ngutsahayang nincapang dharma agama mwah dharma negara.

Palet 4

Indik Kukul

Pawos 21

- (1) Kukul ring desa luwire :
- ha. Kukul desa ring bale agung
 - na. Kukul banjar ring bale banjar.
 - ca. Kukul sekaa minakadi kukul sekaa gong, kukul deha teruna.
- (2) Tabuh tetepakan kukul desa mwah banjar pastika masiwosan manut tatujon luwire :
- ha. Tengeran wali (dewa yadnya), nungtit ngawit pujastawan sira mangku ngerahuang/melasti;
 - na. Tengeran tedun ngayah wiadin sangkepan 5 (limang) kelentungan 4 (petang) tuludan;
- (3) Tengeran kapanca baya, minekadi :
- ha. Kebaya pati, kebegalan/mesiat, magerengan, 5 (limang) kelentungan, 3 (tigang) tuludan.
 - na. Geni baya utawi toya bhaya, bulus.
 - ca. Arta bhaya / kemalingan, 3 (tigang) kelentungan 3 (tigang) tuludan

Pawos 22

- (1) Kukul desa mwah kukul banjar tan wenang katepak yan tan sangkaning pituduh prajuru, sajawaning tengeran panca bhaya.
- (2) Sang nepak kukul tan sangkaning pituduh, patut digelis atur piuning makabuatan panepake, yan tan asapunika wenang sang mamurug kadanda manut pararem.
- (3) Semaliha yan tan nepak manut wiguna taler kadanda manut pararem.

Pawos 23

- (1) Sahanan kulkul banjar patut katepak, pradene wenten sinalih tunggil tengeran amuk bhaya pati.
- (2) Tengeran kulkul kapanca bhaya manut pawos 21 (2) 3 ring ajeng patut katedunin antuk sahanan ayahan, saha gagawan manut rupan bhayane.
- (3) Tengeran kulkul pakaryan patut katedunin antuk ayahan manut daging arahan utawi kakesiarane.
- (4) Kulkul banjar bilih bilih kulkul sekaa tan wenang nyawerin miwah tengeran kulkul desa, prade mamurug keni pamidanda manut pararem.

Palet 5

Indik Druwen Desa

Pawos 24

Druwen desa kadi ring sor :

- (1) Kahyangan desa
- (2) Tanah palaba pura sane majimbar 1.000 M² sane kakaryanin antuk panandu.
- (3) Karang ayahan desa utawi tanah pakarangan kirang langkung malinggah 6.000 M².
- (4) Setra malinggah 1.000 M² kapah dados setra, prajuru adat, krama semujan, setra anom mwah setra alit.
- (5) Lelanguan minekadi :
 - ha. Gong desa abarung
 - na. Wewalian luwire :
 - Tumbak baris 12 (roras katih)
 - Tamiang prisi 8 (akutus)
 - Busana 30 (tigang dasa setel)
- (6) Piranti seosan minakadi :
 - ha. Lingga sana 6 (nemnem)

- na. Pretima 2 (kalih)
- ca. Jinah bolong 9 (sia iket)
- ra. Tumbak pengawin 1 (asiki)
- ka. Gong peturun 1 (asiki)
- da. Kotak pelinggih 4 (patpat)
- ta. Caratan cota 1 (asiki)
- sa. Tedung
- wa. Pajeng pagut
- la. LPD
- ma. Sepeda motor supra paican guru wisesa (gubernur)
- ga. Niasa-niasa.

Pawos 25

- (1) Padruwen desa, palaba kaetengang antuk krama negak (krama ngarep).
- (2) Pikolih druwen lan pamuponia kaanggen prabea piodalan. miwah mecikang wewangunan.
- (3) Nyabran sangkepan desa, pangemong druwen desa ngawentenang pariindik mujuk lungsuring padruwen ikrama, antuk ilikita pastika.
- (4) Sakaluwiring padruwen desa patut wenten ilikitanya.

Pawos 26

- (1) Palaba pura kakaryanin antuk penandu
- (2) Padruwen desa siwosan sane mapikolih taler pamuponnyane kaanggen prabea piodalan miwah mamiara wewangunan desa.

Pawos 27

- (1) Tan kalugra ngadol sakancan padruwen desa, sajawaning kaanggen (kegunayang) manut patitis tur kasungkemin antuk desa.

- (2) Sang ngamong karang ayahan desa tan kengin ngadol, saantukan karang inucap sinanggeh tatak ayah ring kahyangan desa.
- (3) Tanah tatak ayah mwah kapawongan karang inucap kaetangang antuk kulawarga sane jagi ngentosin.

Palet 6

Panyanggran Banjar / Desa Pakraman

Pawos 28

- (1) Banjar wenang ngunggahang tatacara nyanggra pakaryan sukaduka krama.
- (2) Pakaryan sinalih tunggil krama sane mabuat patut kasanggra tur kaetangang antuk kelihan desa / banjar.
- (3) Banjar patut madarsana antuk rasa pamitulung ring sang maduwe karya.
- (4) Pakaryan sane patut kasukserah ring banjar/desa luwire :
 1. Ngawangun yadnya, (dewa yadnya, pitra yadnya, manusa yadnya).
 2. Ngingsirang wewangunan lsp

Pawos 29

- (1) Prade krama desa / banjar ngawentenang pasubaya sajeroning pangupa jiwa nanggap tanah tegal / madunungan, ngaryanin pakubon ring tanah krama desa sewosan, makadasang ingon-ingonan, mangda prasida nganutin kawentenan uger pamerintah, bilih mabuat pisan patut kawentenang ilikita lan pasaksi prajuru desa lan dinas, pangaptine mangda tan ngawinayang pocol salah sinunggil krama, tur jati-jati pada arsa majalaran parama tulung.
- (2) Pari indik pikolih padana punia sane madruwe antuk desa / banjar pinaka kas sane kamargiang / kaputrayang mangda nganutin uger-uger pamerintah sane kabawos koprasi caraning desa/banjar, mangda tan jantos ngawentenang wicara ring desa mawiwit tan ngawaliang seselangan krama manut panemaya.

- (3) Ring usaha adol atuku : tegal, mwah umah sajeroning desa kadura desa patut ngaturang dana punia ke desa.

**CATURTHAS SARGAH
SUKERTA TATA AGAMA**

Palet 1

Indik Dewa Yadnya

Pawos 30

- (1) Pura penyiwian Desa Pakraman Sangambu :
- ha. Pura Bale Agung
 - na. Pura Puseh
 - ca. Pura Dalem
 - ra. Pura Tegal Angin
 - ka. Pura Mas Melanting
 - da. Pura Subak.
 - ta. Pura Jompong
 - sa. Pura Tegal Suci.
- (2) Rahinan patirtan (piodalan) soang soang pura sakadi ring :
- ha. Purnama kapat piodalan ngusaba kapat ring pura puseh.
 - na. Panglong ping 8 sasih kalima piodalan neduh neteg ring pura tegal angin.
 - ca. Panglong ping 10 sasih kelima piodalan ngaturin malaku kaja ring pura desa.
 - ra. Panglong ping 12 sasih kelima piodalan ring gedong pura tegal angin.
 - ka. Purnama kalima piodalan ngusaba kalima ring pura desa.
 - da. Tilem kenem macaru ring pempatan margi desa
 - ta. Tilem kepitu ngemargiang siwa latri ring pura desa
 - sa. Purnama kaulu piodalan ngaturin malaku kelod ring pura desa.

- 10
- wa. Panglong ping nem piodalan pura dalem kahyangan.
 - la. Panglong ping pitu piodalan pura dalem mrajapati.
 - ma. Tilem kaulu macaru ring pempatan margi desa.
 - ga. Penanggal apisan nyepi adat.
 - ba. Tilem kesanga macaru ring pempatan margi desa.
 - nga. Pananggal apisan nyepi nasional
 - pa. Purnama kasa piodalan ring pura jompong.
 - ja. Buda wage kelawu piodalan pura mas melanting ring pura desa.

Pawos 31

- (1) Tan kawenang ngeranjing kapura :
 - ha. Jatma luh sebel kandel (ngeraja swala, maduwe oka) manut senger.
 - na. Sato agung / suku pat sajawaning rikalaning anggen upacara.
 - ca. Jatma cuntaka sangkaning kapendem empat (4) rahina seusan marebu/mabersih.
 - ra. Sewusan mabersih khayangan raris tan kalugra ngranjing kapura sajawaning wenten pangarahan saking kelihan desa.
- (2) Ring pura tan wenang ngalaksanayang sahanan laksana sinanggeh ngaletehin sakadi :
 - ha. Mamisuh kalih wicara sane ngeletehin manah utawi pikayunan miwah ngewetuang beapara/erang sang miragiang.
 - na. Majajal, magerengan bilih-bilih yan jantos metu letuh rah;
 - ca. Makobetan, mawarih, masanggama miwah malaksana sewosan.
- (3) Sapasira mamurug kecaping ajeng, wenang keni danda pamrascita manut pararem :

Pawos 32

- (1) Ring pura inucap ring ajeng patut kadegang pamangku:
- (2) Ngadegang pamangku manut pamargi ring sor :

- ha. Manut tatimbang paulun desa
 - na. Kapilih antuk ikrama.
 - ca. Nyanja.
- (3) Tan wenang ngadegang pamangku lan paulun desa :
- ha. Cedangga, makadi peceng, perot, cungik.
 - na. Kageringan, ayan, buduh, ila
 - ca. Kaujar cacad luwire ngerabinin wong arabi, mamitra lan saluwire.
- (4) Prabea ngadegang pamangku lan paulun desa kasanggra antuk :
- ha. Kaluarganyane
 - na. Krama desa

Pawos 33

- (1) Swadarmaning pemangku lan paulun desa :
- ha. Ngantebang upacara-upacara amongannyane wiadin ring pura sewosan.
 - na. Ngantebang saluwiring panauran (punagi);
 - ca. Nitenin kasucian pura.
 - ra. Ngenahang agem-agem (aban-aban) ritatkala piodalan.
- (2) Pariambek pemangku lan pulun desa : patut medasar antuk kecaping sastrasane ngonek sila sesananing pemangku, kusuma dewa, sangkul putih sesana kepemangkuan.

Pawos 34

- (1) Pikolih lan patios pemangku paulun desa luire :
- ha. Arta penauran kepah dados :
 - Desa asiki;
 - Pemangku lan paulin desa prajuru asiki;
 - Sang maduwe karya asiki.
 - na. Luput ayah desa;

na. Mawinten sekadi patut;

Pawos 35

Pengerenteb ring pura-pura :

- (1) Sadurung katur upacara piodalan, krama desa tan kawenang ngaturang sembah.
- (2) Sajeroning ngaturang puja wali minekadi Dewa Yadnya lan yadnya sewosan (Resi, Manusa, Pitra, Buta) tan wenang ngangge tip lan kaset sajawaning ngawentenang ilen-ilen panglilacita kawentenang mangda nyuarayang gending-gending bali.
- (3) Ilen-ilen sane marupa tetamian Desa minekadi, gong, baris tumbak, prisi, rejang mwah sewosan mangda ajeg kemargiang ritatkala ngaturang pujawali manut dudonan.

Pawos 36

- (1) Ritatkala sang pemangku lan paulun desa (pemangku tri kayangan) lampus patut upacara pitra yadnya saking kelurgannia kawantu antuk desa pakraman manut sakasidan.

Palet 2

Indik Rsi Yadnya

Pawos 37

- (1) Sang pacang madeg pandita utawi pinandita patut masadok ring Prajuru Desa kalih Parisadha Hindu Dharma Indonesia.
- (2) Prajuru desa patut nitenin tur wenang ngalengin prade wenten kacihna lempas ring kakecap miwah dresta, tur sareng nyaksinin upacara upakara, saha nyiarang ring paruman desa tegep rauhing wates kawenangan pangenter yadnya.
- (3) Krama desa patut ngaturang ayah sapemadeg miwah ring penglepas ida sulinggih riwekas katuntun antuk prajuru.

- (4) Ida sulinggih patut ngerihinang muput ring wewidangan desa, sesampune wau muputang yadnya kadura desa.
- (5) Krama desa sami sareng nitenin katuntun antuk prajuru, mangda sahanan yadnya sane kawentenang kaicen pamuput olih pandita utawi pinandita manut kawenangang soang-soang.
- (6) Singgukan patut ngemargiang upacara ngunya, ngejabayang lan musaban teruna, kesarengin antuk bau.

Palet 3

Indik Pitra Yadnya

Pawos 38

- (1) Yening krama desa boya pamangku lan paulun desa lampus patut :
 - ha. Kapendem saha manut upacara dresta.
 - na. Atiwa-tiwa (kageseng utawi kabakar) manut catur dresta.
- (2) Yening wenten pamangku lan paulun desa lampus patut kakaryanang upacara manut sastra dresta.
- (3) Yening wenten anak lampus ngadut manik (bobot) sadereg kapendem maniknyane patut kamedelang rihin, malarapan mabasah utawi kabakta ke Rumah Sakit Umum.
- (4) Yening wenten jatma padem salah pati, ngulah pati, kabengawan dados bakta budal kapaumahan lantur kaupacara patut ngemargiang pancbusan utawi pangulapan ring genah ipun padem, pempatan miwah ring cangkem setra.

Pawos 39

Ritakala makta sawa ke setra, prade ngalintangin tegal utawi pabianan tiantukan tan wenten margi, sang maduwe pabianan patut ngelilayang, nanging sang maduwe kapademan patut ngupakara tegal utawi pabianan nucap risampune usan mendem sawa.

Pawos 40

- (1) Sang madruwe kapademan patut masadok ring prajuru desa, mangda prasida katepakang kulkul nyihnayang anak lampus.
- (2) Swedarman banjar (dadia) ritatkala ngamargiang upacara Pitra Yadnya manut dresta lan sastra agama.

Pawos 41

- (1) Kacuntaka ring desa sakadi ring sor :
 - ha. Kapademan ring kulawarga dadia selami petang dasa kalih rahina (42) rahina.
 - na. Yening wenten jatma ngalit sareng ipah, misan, selami petang rahina (4) rahina.
 - ca. Yening wenten jatma sane nyalit sareng tumin, tugelan, sato selami petang dasa kalih (42) rahina.
- (2) Prade wenten rare sadurung tigang sasih yusane, tan kawenang sareng ngeranjing ke pura.
- (3) Prade wenten rare embas, raris biang nyane sadurung tutug kambuhan petang dasa kalih (42) rahina tan kawenang ngeranjing ke Pura; nanging bapannyane semai kepus wodel.

Palet 4

Indik Manusa Yadnya

Pawos 42

- (1) Manusa Yadnya inggih punika upakara-upakara dharmaning manusa ngawit patemoning kama bang lan kama petak sajroning garba ngantos kalayu sekaran riwekas.
- (2) Upacara kadi ring ajeng madudonan sakadi ring sor :
 - ha. Magedong-gedongan duk pangrimpinian ibiang.
 - na. Madapetan (upacara rare embas)

- ca. Kepus odel (masakapan)
- ra. Tutug kambuhan
- ka. Matelubulanan (upacara nyambutin)
- da. Motonan (nem sasih)
- ta. Tutug kelih (ngraja wadone, ngembakin lanange)
- sa. Matatah / mapandes
- wa. Mawiwaha (nganten)
- la. Mawinten;
- ma. Mawinten.

Pawos 43

Upacara pawiwahan kapalih-palih minekadi :

- (1) Biakawon
- (2) Ngaturang parebuan ke Pura Bale Agung
- (3) Madewa saksi kasekala ring prajuru adat, kelihan desa, kelihan banjar.

Pawos 44

- (1) Upacara Manusa Yadnya kamargiang nista, madya, utama, manut kecaping agama patut kpatut antuk paulun desa miwah pamangku.
- (2) Patut kailikitayang (ngarereh akta perkawinan) manut Undang-undang No. 1/1974.

Pawos 45

Yening wenten laki rabi ngamedalang rare luh muani (kembar buncing) utawi kembar silih asih patut ngamargiang upacara masayut agung ring paumahan nia.

Pawos 46

- (1) Yening wenten anak istri ngarbini (beling) tur tan wenten anak ngangkenin mangde okane benjangan tan kebawos alit (anak) babinjat patut meme bapane ngaryanang upacara pawiwahan nyasa (simbul).
- (2) Sesampune anak alit embas raris tinut ring warga meme bapannyane, biange wantah pangayoman warga manut upacara pamerasan.
- (3) Indik warisan kapungkur, wantah ngewarisin druwen biange kewanten tan patut ngewaris ke purusa sejawaning wenten tatimbangan seos.
- (4) Prade wenten anak istri ngarbini (mobot) tur tan wenten sane ngangkenin, wenang jatma inucap kakeknin pamidanda marupa 100 kg beras.

Pawos 47

- (1) Yening ngambil rabi siwos agama mangda nganutin tata cara sane sampun kawedar saking Parisada Hindu Dharma Indonesia inggih punika :
 - ha. Mangda mabukti (cihna) sang merabi nganutin agama sang sane ngambil sane kabawos "SURAT PERNYATAAN" tur kasaksiang olih PHDI kabupaten lan kecamatan.
 - na. Ngemargiang upacara Sudi Wadani.
- (2) Sesampune ring ajeng tegep wau dados kamargiang upacara pawiwahan

Palet 5

Indik Bhuta Yadnya

Pawos 48

- (1) Bhuta Yadnya inggih punika upacara upakara biakala ring pertiwi lan kahyangan, sarwa prani saha upacara upakara ring bahutan.
- (2) Upacara pabiakala ring sarwa prani luire :
 - ha. Ring sarwa tumuwuh rikala tumpek pengatag (saniscara kliwon wariga)

- na. Ring sarwa ingon-ingon rikala tumpek kandang (saniscara kliwon uye).
- ca. Upacara pakala-kalan manusa manut wiguna kabaos pabiakala.
- (3) Upacara pabiakala ring pertiwi, kahyangan lan babutan kawastanin macaru.
- (4) Pacaruan inucap ring ajeng nista, madya, utama manut wiguna kadi ring sor :
- ha. Eka sata
 - na. Panca sata
 - ca. Panca sanak
 - ra. Rsi gana
 - ka. Panca kelud
 - da. Balik Sumpah
 - sa. Tawur agung
- (5) Sajawaning kadi ring ajeng, kawentenang upacara :
- ha. Majot-jotan utawi yadnya sesa nyabran wusan ngarateng.
 - na. Masapuh-sapuh rikala pacang wali ring pura.
- (6) Ritatkala sasih kapitu, patut ngamargiang upacara macaru manut ring sor:
- ha. Tilem kenem nampi kepitu patut ngemargiang upacara ring catus pata (pempatan).
 - na. Tilem kesanga nampi kedasa patut ngemargiang upacara macaru ring catus pata (pempatan).
- (7) Ring sasih kesanga krama desa patut ngemargiang upacara macaru kadi ring sor :
- ha. Tilem kenem nampi kepitu patut ngamargiang upacara macaru gering ring pempatan.
 - na. Tilem kesanga nampi kedasa macaru indik jagi nyanggra penyepian.
 - ca. Tanggal ping 2 (kalih) ngembak geni patut krama desa ngamargiang dharma santi (masima krama)

**PANCAMAS SARGAH
SUKERTA TATA PAWONGAN**

Palet I

Indik Pawiwahan

Pawos 49

- (1) Pawiwahan inggih punika patemoning purusa pradana melarapan penunggalan kayun sula cita upasaksi skala lan niskala.
- (2) Pamargin pawiwahan punika wantah papadikan sane kamanggala antuk pakurenan.
- (3) Pidabdab sang pacang mawiwaha patut :
 - ha. Sampun manggeh deha teruna sadaging Undang-Undang No. 1/1974;
 - na. Sangkaning pada teresna tan kapaksa
 - ca. Manut kecaping agama lan adat sane kabawos nenten salah lawan.
 - ra. Prade wenten ngambil rabi ring Desa Pakraman Sangambu saking lian desa, rikala madewa saksi / merebu utawi mamitang keni jinah satak kepeng (200 bolong), katur ring desa.
 - ka. Semaliha yan sami-sami wed desa ngambil rabi, keni seratus kepeng (100 bolong) rikala naur upasaksi ring pura desa.
 - da. Prade pengambilan tiosing agama, kamanggala antuk banten panyudian (sudi wadani)

Pawos 50

- (1) Parabian sane kapatutang ring desa, manut kecaping pawos ring ajeng ring sampune kacihnayang :
 - ha. Mawidi widana, kapuputang antuk pamangku lan Paulun desa;
 - na. Kasaksiang antuk prajuru desa adat lan dinas, ngelantur ngilikitayang sane pacang katemuang ring sang ngawawenang prasida polih likita patra pawiwahan (akta perkawinan);
- (2) Pawiwahan kabawos tan patut sakadi ring sor :

- ha. Ngambil bibi ngarep utawi dimisan
- na. Ngambil semeton sodet utawi dimisan.
- ca. Ngambil ipah ngarep utawi dimisan
- ra. Keponakan ngarep utawi dimisan.

Palet 2

Indik Nyapihan

Pawos 51

- (1) Palas marabian malarapan antuk lampus utawi nyapihan.
- (2) Sang palas merabian patut atur supeksa pailikitan ring pengadilan negeri, mangda sinah apadang pamutus kabawos nyapihan (keputusan pengadilan).
- (3) Sadurung palas marabian prajuru desa patut ngamargiang pidabdab rihin mangda sang ayat palas marabian prasida rena kadi jati mula.

Pawos 52

- (1) Suang-suang balu nganutin kawongania, kabinayang dados balu muwani utawi kapurusa miwah balu luh utawi kapradana.
- (2) Swadarmaning balu inucap patut :
 - ha. Ngamanggehang pati brata, tan kengin drati krama utawi paradara.
 - na. Nguwasayang waris. pagunakayan sane marupa tanah lan tanem tuwuh, tan kengin ngadol, ngadep, makidihang, sajawaning polih bebasah saking ipianak utawi kulawarga kapurusa prada pianake kantong alit-alit.
 - ca. Kawenangang mawiwaha malih, prade polih paigum sakeng ipianak daha lan truna utawi kulawarga kapurusan

Palet 3**Indik Sentana****Pawos 53**

- (1) Prade tan madruwe prati sentana kengin ngadegang putra upadana antuk upacara pemerasan.
- (2) Sane dados kaperas waris kaprusa turmaning kacumponing antuk kulawarga sang meras.
- (3) Prade tan kacumpunin patut katunasang tatimbangan ring prajuru desa.

Pawos 54

- (1) Sane pacang meras sentana, patut mesadok ring prajuru desa sane pacang mratikayang saha maka saksi utama.
- (2) Prade wenten kulawarga tan cumpu mangda nyadokang pitung wuku sadereng upacara pemerasan.
- (3) Pamerasan sinanggeh patut, risampune makacihna :
 - ha. Widi widana pemerasan, kapuput antuk pamangku utawi pandita seosan.
 - na. Wenten saksi prajuru desa lan Dinas sane lantur ngilikitayang sane katunasang ring sang mawangrat prasida polih ilikita patra pemerasan utawi akta pengangkatan.

Palet 4**Indik Warisan****Pawos 55**

- (1) Warisan sane patut kaedum wawu prasida kamargiang risampune reramania lampus, tur kapiak pada sejeroning semetonan.
- (2) Sane pianake raris (ahli waris) inggih punika pianak muah kulawarga purusa utawi pekadangan sane pinih tampek.
- (3) Pianak sane istri prade sampun kesah merabian nenten polih pah-pahan warisan, sejaba sangkaning lila sang pewaris.
- (4) Pianak babinjat wantah polih warisan saking biangnyane.

SASTHAS SARGAH
SUKERTHA TATA PALEMAHAN

Palet 1

Bhaya

Pawos 56

- (1) Bacakan bhaya luwire panca bhaya lan dura cara ring agama :
- ha. Jiwa bhaya upami : kaparikosa, kapalegandang, kapanca dara luwire : miyegan, ngamuk, kekaplakin, miwah nyagur, neluh, nesti, neranjana;
 - na. Artha bhaya : kamalingan rahina wiadin wengi, arta brana, wewalungan, tanem tuuh.
 - ca. Geni bhaya (puun) miwah toya bhaya (belabaran) anyudang embah.
 - ra. Pelegandangan, melaibang anak istri antuk parikosa miwah ngarumrumin wadon boya rabi utawi maranin wadon sedeng wenten ring pamereman.
 - ka. Dura cara ring agama menawi ngenistayang agama.
- (2) Sahanan krama desa patut digelis atur uninga ring prajuru kewentenan jatma melaksana panca bhaya.
- (3) Prade dahat sarat kawentenannyane, kengin nepak kulkul pamitulung manut rupan bhayane.
- (4) Turmaning patut madana punia ring sang bhaya jagat (geni, toya lindu).
- (5) Yening wenten jatma sane melaksana ngewetuang panca bhaya wenang keni pamidanda manut perarem.
- (6) Prade wenten wewangunan pura/pamarajan kenj kapanca bhaya, patut kaupacara mabalik sumpah manut catur dresta.

Palet 2

Karang Lan Tegal

Pawos 57

- (1) Krama ngemong karang ayahan desa patut ngawatesin karang inucap antuk pagehan wiadin tembok, pinih ajeng sane marep kamargine mangda katon asri.
- (2) Prade karasayang pagehan inucap ngelikadin yening pada arsa panyandinge kengin watese nganggen pinget patok kasaksinin antuk kelihan desa.
- (3) Kautsahayang mangda tan wenten karang kabebeng.

Pawos 58

- (1) Wates inucap kengin antuk pagehan wiadin pracihna pal :

Pawos 59

- (1) Sinalih tunggil krama desa mwah banjar tan kalugra :
 - ha. Ngelahang tanah tegal sinanggeh suci, minekadi tegak kahyangan, setra.
 - na. Ngelalah karang, tegal, margi.
 - ca. Ngembahang toya wit wewalungan, kepakarangan krama tios.
 - ra. Miwah ngentungang wangken wewalungan katukade utawi kepakarangan krama tios.
- (2) Prade mamurug kecaping ajeng :
 - ha. Patut ngewaliang sane kelalah, saha kadanda manut pararem.
 - na. Patut nyampetin toya inucap utawi ngaryanang sembah sareng panyanding nyane.
 - ca. Patut kadanda manut pararem tur nanem wangken inucap.

Pawos 60

- (1) Tegal tan kalugra kaenengang, patut katandurin palabungkah, palawija, mwah pala gantung.
- (2) Prade mamurug kengin kapatinget antuk pangawewenang desa.

Pawos 61

- (1) Yan wenten krama sane campur :
 - ha. Sahanan padruwenyane kakuasa antuk desa adat.
 - na. Desa adat patut ngelaksanayang upacara mitra yadnya.

Palet 3

Papayonan

Pawos 62

- (1) Ngawit nandur tanem tuwuh patut adepa agung (2,25 m) ngajeroang saking wates.
- (2) Tan kalugra wit taru :
 - ha. Mentik sajeroning wates
 - na. Ngelintangin wates, bilih metu mayanin penyanding.
- (3) Prade wenten inucap ring ajeng kengin kaweweh antuk panyandinge tur kasadokang ring prajuru mituduhin sang nruwenang wit ngarebah taru inucap, yan sampun jangkep ping tiga yadokang taler tan karebah, kengin sang nyadokang ngerebah taru inucap tur pinara kapah tiga, asiki katur ring prajuru sane maritatas mwah kekalih kebagi ring sang madruwe wates.
- (4) Prade wenten jatos mayanin antuk angka (2). 2 sangkajerihiang patut atur supeksa tur sumanggup utawi senistanye nyepat gantungin
- (5) Prade wenten wewangunan jantos karubuhin, sane keni prabea saha panyangaskara :
 - ha. Sang nruwenang wit sinanggeh mayanin risampune polih kewarah.

- na. Sang notor ngarebah taru inucap.
 ca. Taru inucap kataban antuk sang karubuhin.
- (6) Prade tanduran / papayonan keni merana, mangda sang mungguang rat patut kapademang tur kagentosin.
- (7) Prade jagi makenan sungga/racun ring paabianan patut masadok ring prajuru desa lan payandinge.

Palet 4

Wawalungan

Pawos 63

- (1) Sahanan krama desa sane memiara saka luwiring wewalungan luwire banteng, kebo, kuda, bawi, kambing patut sayaga nitenin negul utawi ngelogor, mangda tan ngerusakin karang utawi pabianan, bilih bilih jantos ngelethin khayangan utawi pemrajan krama tios.
- (2) Prade wenten sakadi ring ajeng patut kapalungguhang, ngelantur kesadokang ring sang madruwe wawalungan.
- (3) Yening jantos ping tiga malungguhang, ngelantur kasadokang ring prajuru desa mangda katiwakin pamidanda kadi ring sor :
 ha. Ngewaliang sane wit karusak mwah prabea kapocolan
 na. Upacara masapuh sapuh ngangge mancalima, prade wewalungan ngeleb jantos ngelethin khayangan / pemrajan.
- (4) Taler kengin wewalungan inucap kataban antuk tata cara :
 ha. Sang naban digelis nandan wewalungan inucap keajeng prajuru desa.
 na. Sang madruwe patut naur panebus panebangan lan kapocolan sane karusak, manut pangelokika prajuru desa.

Pawos 64

- (1) Tan kalugra ngangonang ring :
 ha. Palemahan tegak kahyangan
 na. Pundukan tegal krama / pabianan sewos.

- (2) Prade wenten sakadi ring ajeng keni pamidanda manut pararem, saha maweweh panyangaskara manut dresta.

Palet 5

Wawalungan

Pawos 65

- (1) Wewangunan patut :
- ha. Ngangge gulak/sikut asta kosala kosali, sanistane manut ring patitis niskala.
 - na. Tan wenang nyayubin, wewangunan panyandingnyane.
- (2) Prade wewangunan tepisiring wates, patut ngawentenang paiguman ring panyanding nyane tur kasadokang ring prajuru desa/banjar.
- (3) Prade wewangunan kadi angka (2) ring ajeng sampun polih paiguman ring panyandinge kengin ngangge abangan tur toyane cacapane tiba kapekarangane.
- (4) Krama sane pacang ngewangun patut masadok ring prajuru, sedurunge polih ilekita patra (wakwakan) durung kalugrayang ngewangun.

SAPTAMAS SARGAH WICARA LAN PAMIDANDA

Palet 1

Indik Wicara

Pawos 66

- (1) Sane wenang mawosin makadi mutusang wicara ring desa inggih punika Prajuru Desa.
- (2) Sadurung wicara katumusang ring prajuru desa, mangda kabawosin rihin ring suang suang banjaran miwah padadianan sane ngawidangin.
- (3) Pamatut panepase mangda nganutin awig-awig desa, patitis lan pamikukuh desa.

- (4) Prade wicara tan sida kaputusan ring desa, sang mawicara kengin numusang wicara inucap ring sang rumawos utawi ring pemerintah (guru wisesa).

Pawos 67

- (1) Sahanan wicara mawiwit laksana corah, bhaya, nanging awig-awig pasuara lan pararem desa, patut pangkin kebawosin tan nyantos pasadok.
- (2) Sejaba wicara kadi ring ajeng patut nyantos pesadok sakeng sang nunas bawos.
- (3) Panepase patut :
 - ha. Pastika nyantenang iwang patut melarapan tri pramana (saksi, ilikita, bukti).
 - na. Tan maren nepek ring catur dresta miwah sastra agama.

Palet 2

Indik Pamidanda

Pawos 68

- (1) Desa utawi banjar wenang niwakang pamidanda ring krama desa sane sisip.
- (2) Paniwak inucap kamargiang antuk Prajuru Desa.
- (3) Bacakan pamidanda luwire :
 - ha. Danda arta manut pararem minakadi sane kabawos :
 - Kakenan : dedosan tan ngayah tengah rahina
 - Kakenan, dedosan tan makarya tengah rahina.
 - Sipat, kakenin santukan tan nigepin busana adat utawi lempas ring tata susila.

Pawos 69

- (1) Prade wenten krama desa langkung ring tigang paruman (sangkepan) amandel tan naur pamidanda / dedosan krama inucap wenang nikel.

- (2) Tatacara ngelaksanayang dedosan / danda nikel :
 - ha. Sampun kaigumin / kaanutin antuk ikrama;
 - na. Tan tedun tan pasadok ring prajuru lan paulun desa;
 - ca. Ping tiga sangkepan tan naur pamidanda, raris nikel;

ASTAMAS SARGAH

NGUWAH-NGUWUHIN AWIG-AWIG

Pawos 70

- (1) Nguwah-nguwuhin awig-awig desa puniki kalaksanayang antuk paruman desa.
- (2) Paruman inucap mangda kadasarin antuk pakarsan krama desa.
- (3) Pamutus bawos mangda kadasarin gilik saguluk.

Pawos 71

Paruman indik nguwah-nguwuhin awig-awig kadi ring ajeng kengin kamedalang antuk Paulun Desa, Kelihan Desa, yadiastun niri niri miwah sinarengan.

NAWAMAS SARGAH

SAMAPTA

Pawos 72

- (1) Awig-awig puniki kawastanin Awig-awig Desa Pakraman Sangambu
- (2) Awig-awig punika kamargiang ngawit kararemin.

Pawos 73

- (1) Sajeroning ngemargiang awig-awig puniki Paulun Desa miwah Prajuru mangda mawirasa ring prayogia sane taler ngawewenang krama desa minekadi Kepala Desa muah kelihan subak tegal.
- (2) Paulun desa muwah prajuru ngawentenang galah Pengulu Desa mangda krama prasida nincapang pangaweruh miwah upajiwa soang-soang.

Pawos 74

- (1) Saka luwirin sane wenten saderengnia patut kaanutang ring sedaging awig-awig puniki.
- (2) Saka luwiring durung kabawos sajeroning awig-awig punika patut kalaksanayang manut tata cara sane ketah memargi kadulurin pararem miwah suara.


Pawos 75

- (1) Awig-awig puniki kararemin duk rahina anggarkasih medangsia titi panglong ping 5 sasih kalima isaka warsa 1931 ring pura desa Desa Pakraman Sangambu;
- (2) Awig-awig puniki kalingga tanganin olih prajuru desa, para kelihan dadia, kasaksinin olih perbekel lan camat saha kapikukuh olih Bupati maka murdha pamikukuh.
- (3) Luir sang ngalingga tanganin :
ha. Prajuru desa :

1. Kelihan Banjar Pakraman Sangambu


GEDE ARTHA, SH

3. Patengen,


PUTU ARDIKA

2. Panyarikan,


KETUT SUDIRAT

Para dulun desa :

1. Kubayan Tengen,

Jro Kubayan Made Kari

Kubayan Kiwa,

Jro Wayan Gede Oka

2. Bau Tengen,

Bau Kiwa

Jro Bau Komang Surata

Jro Bau Nyoman Lunga

Jro Bau Made Awan

Jro Bau Made Arnawa

3. Panakehan Tengen,

Panakehan Kiwa

Jro Panakehan Nyoman Sawitra

Jro Panakehan Gede Narka

4. Penabing Tengen

Penabing Kiwa

Ketut Mustika

Made Kavun

Para Kelihan Dadia

1. Kelihan Dadia Tangkas

2. Kelihan Dadia Gelgel Kemoning

Wayan Tis

Made Wirama

3. Kelihan Dadia Kayu Selem

4. Kelihan Dadia Kayu Selem

Ketut Mulih

Nyoman Pandita

5. Kelihan Dadia Bendesa Mas

6. Kelihan Dadia Bendesa Mas

Mangku Tekek

Ketut Purnawarman

7. Kelihan Dadia Padang Subadra

8. Kelihan Dadia Arya Bali Kuno

Nyoman Kawiarta

Made Arta

9. Kelihan Dadia Arya Bang Sidemen

Made Cinta

na. Pinaka Saksi

Camat Tejakula,

Perbekel Desa Madenan,

Drs. I Wayan Resen

I Gede Putu Merta, SH

NIP. 600004357

ca. Maka murdha pamikukuh :

Mengetahui dan Telah Dicatatkan

Nomor : :

Tanggal :



BUPATI BULELENG

TTD

Drs. PUTU BAGIADA, MM